

WELFARE-TO-WORK (ZORNG-MBENC ZOUX GONG) GORN TONG FIENXSOU

Mbuox nquenc se gornqv meih qiexm zuqc tengx doqc fai bieqc hnyouv naaiv zeiv tong fiex sou.

WELFARE-TO-WORK MAAIH HAAIX NYUNGC EIX-LEIX BUN MEIH

- Welfare-to-Work gorn haih njaaux, zornq-mbenc caux orn hnyouv meih caux tengx meih lorz gong.
- Nyungc baav Welfare-to-Work haih tengx meih se maaih hnangv naaiv:
 - Tengx meih lorz gong.
 - Tengx meih taux kauv hoqc fai hoqc gong/zoux jienv hoqc jienv mingh caux njaaux meih taux hungheic nyei hoqc doqc sou, funx-bienh caux Meiv Guoqv nzangc.
 - Tengx meih mbenc gong-haangh dauh.
 - Tengx hnyouv-qaqv meih fai meih nyei hmuangv doic se gornqv qiexm zuqc nor.
- Maaih Welfare-to-Work 24-Hlaax nyei Ziangh Hoc (yienv 48-hlaax dingc daaih nyei ziangh hoc).
- Meih maaih camv-nyungc javv-louc bun meih ginv bieqc nzemx yienv Welfare-to-Work 24-Hlaax nyei Ziangh Hoc.
- Taux nqa'haav-laai Welfare-to-Work 24-Hlaax nyei Ziangh hoc, meih ginv nyei javv-louc maaih zoqc jienv njec bun meih haih ginv longc weic bun meih haih duqv zipv tengx nyei baeqc nyaanh hnangv loz wuov nor.
- Welfare-to-Work oix tengx meih liuc leiz caux cuotv nyaanh bun taux horpc zuqc nyei dornq bun meih haih duqv mingh liuc leiz ginv daaih nyei javv-louc. Naaiv liemh jienv goux mangc fu'jueiv, bieqc cuotv nyei javv, caux ganh nyungc qiexm longc nyei ga'naaiv beiv hnangv lengc jeiv nyei jaa-sic fai luix-houx weic meih nyei gong. Meih haih jaa-ndaangc duqv zipv nyaanh se gornqv meih tov taux nor, liuz meih maiv zuqc longc meih nyei baeqc nyaanh maaiz meih qiexm zuqc longc nyei ga'naaiv.
- Welfare-to-Work oix mbuox meih taux mbenc ziangx dorh fu'jueiv nyei javv caux ninh mbuo nyei dornq dau yienv haaix.

HAAIX ZANC MEIH OIX ZUQC BIEQC WELFARE-TO-WORK

- Meih ndongc haaix oix zuqc bieqc Welfare-to-Work se gornqv meih duqv zipv nyei baeqc nyaanh yienv CalWORKs (California Zornq-Mbenc Zoux Gong caux Liuc Leiz bun Fu'jueiv) nyei gorn caux meih maiv duqv simv cuotv taux oix zuqc zoux ei nyei leiz.
- Meih maiv zuqc bieqc Welfare-to-Work se gornqv meih puix duqv simv cuotv nyei leiz m'aqc. Meih benx simv cuotv nyei mienh se gornqv meih:
 - Hnyangx-jeiv gauh aiv 16 hnyangx fai 60 hnyangx gu'nguaaic maengx.
 - 16, 17, fai 18 hnyangx caux corc yienv jienv high schoolfai domh mienh horqc buangv ziangh hoc cuotv liuz meih bieqc horqc benx buonc meih Welfare-to-Work dingc daaih nyei buonc.
 - Maiv zeiz diex-maac mv baac benx cien-ceqv ziux goux yietc dauh fu'jueiv dongh ganh maiv haih goux ganh fai sic dorngh paaiv daaih nyei mienh, fai yietc dauh haih zuqc fungx bieqc fu'jueiv gu'hanh dornq.
 - Maaih buonh sin fai m'nqornqv-famv baengc maiv haih zoux gong fai zanc-zanc haih zoux ei Welfare-to-Work nyei gong-bou ndongc haaix zoqc yaac yienv 30 hnoi gu'nyuoz.
 - Benx diex-maac fai ziux goux nyei mienh bun yietc dauh fu'jueiv yienv cuotv seix mingh taux 23 hlaax nyieqc, ganh hnangv. **Naaiv kang simv cuotv nyei leiz se yietc seix duqv nzunc hnangv.**
 - Benx domh mienh a'fai ziux goux nyei cien-ceqv bun taux yietc dauh fu'jueiv 6 hlaax ga'ndiev maengx (ei deix kau dih dingc daaih haih faaux taux 12 hlaax). **Naaiv kangx simv cuotv nyei leiz se yietc seix duqv nzunc hnangv.**

HAAIX ZANC MEIH OIX ZUQC BIEQC WELFARE-TO-WORK (BORQV MINGH)

- Benx diex-maac fai ziux goux nyei cien-ceqv bun taux yietc dauh fu'jueiv 12 norm leiz-baaix ga'ndiev maengx (ei deix nquenc dingc daaih haih faaux taux 6 hlaax). **Naaic meih goux sou-gorn mienh taux meih nyei fu'jueiv ndongc haaix lux cingx haih puix duqv naaiv kang simv cuotv nyei leiz.**
- Maaih gu'nguaaz faaux fin caux ndie-sai gornqv meih maiv haih zoux gong fai mingh liuc leiz taux Welfare-to-Work nyei javv-louc fai nquenc dingc daaih gornqv wuov kang javv maiv haih tengx duqv gong fai wuov kang javv se maiv qiexm zuqc aqv.
- Yienv biauvi ziux goux ganh dauh juangc biauvi mienh dongh maiv haih ziux goux ganh. (Naaiv laanh mienh maaish baengc, waaic-fangx, ganh nyungc) caux naaiv yaac zoux bun meih maiv haih mingh zoux gong fai liuc leiz Welfare-to-Work nyei javv-louc.
- Se gornqv meih maaih gu'nguaaz faaux sin fai ziux goux fu'jueiv caan yienv jienv Cal-Learn nyei gorn, fai se gornqv meih duqv zipv high school nyei piux fai doix-dangc nyei piux dongh meih yienv jienv Cal-Learn nyei gorn, nyungc baav gu'nguaaic naaiv deix javv maiv puix zuqc meih. Naaic meih goux sou-gorn nyei mienh fai Cal-Learn dimv sou-gorn mienh.
- Se gornqv I dauh diex-maac duqv zipv tengx nyei javv, caux one dauh diex-maac liuc leiz nzengc yietc zungv qiexm zuqc nyei ziangh hoc, da'nyeic dauh diex-maac maiv zuqc zoux ei aqv.
- Se gornqv meih sienx gornqv meih horpc zuqc simv cuotv naaiv deix javv-louc, meih haih naaic meih goux sou-gorn nyei mienh bun meih (CW 2186A) nyei sou weic tov taux simv cuotv Welfare-to-Work nyei leiz. Meih haih duqv zipv nquenc mbuox meih gornqv meih haih duqv zipv simv cuotv Welfare-to-Work nyei leiz fai oix zuqc zoux ei nyei leiz. Maiv gunv meih maiv zuqc zoux ei Welfare-to-Work nyei leiz, meih yaac haih zoux ei duqv nyei caux meih haih duqv zipv mbuox taux gornqv meih haih nyei fai maiv haih.
- Se gornqv meih maiv duqv zipv simv cuotv Welfare-to-Work nyei leiz, meih haih zuqc aapv mingh zoux ei Welfare-to-Work nyei leiz. Se gornqv meih oix zuqc zoux ei, meih oix duqv zipv fiexm mbuox meih taux haaix zanc meih buangh doic ca'laangh nyei hnoi-nyieqc.

SE GORNGV MEIH MAIV ZOUX EI WELFARE-TO-WORK NYEI LEIZ

- Se gornqv meih oix zuqc bieqc Welfare-to-Work gong-gorn:
 - Meih maaih qiangx haih porv mengh taux weic haaix diuc meih maiv zoux ei dingc daaih nyei.
 - Se gornqv meih maiv maaih jienv nyei javv, caux meih yaac maiv zoux ei Welfare-to-Work nyei leiz liuc leiz wuov deix sic, meih nyei baeqc nyaanh haih zoqc njec.
- Se gornqv meih maiv zuqc zoux ei Welfare-to-Work nyei leiz, mv baac meih ganh sueih eix mingh bieqc Welfare-to-Work nyei javv-louc nor:
 - Meih maaih qiangx porv mengh taux weic haaix diuc meih maiv zoux ei dingc daaih nyei.
 - Se gornqv meih sueih eix bieqc Welfare-to-Work nyei javv-louc mv baac maiv zoux ei, maiv maaih jienv nyei javv, caux meih maiv zoux ei Welfare-to-Work dingc daaih nyei leiz zorc meih nyei sic, meih nyei baeqc nyaanh se maiv zoqc njec, mv baac meih haih maiv duqv daaux nqaang mingh bieqc wuov kang sueih eix bieqc Welfare-to-Work nyei gorn siepv aqv.

Haaix zanc meih maaih gong caux zuqc dingh gong, nquenc haih borqv jienv cuotv nyaanh bun dongh longc jienv tengx nyei javv lauh taux jix gorn nyei 12 norm hlaax yienv nqa'haav meih duqv jix gorn zoux gong se gornqv meih qiexm zuqc tengx weic haih duqv zoux jienv gong mingh caux meih maiv haih maaiz duqv qiexm longc nyei javv yienv ganh norm dornq aqv. Meih yaac haih duqv zipv ziux goux fu'jueiv nyei javv lauh taux I hnyangx yienv meih dingh maiv duqv zipv tengx nyei javv. Meih yaac haih duqv zipv borqv Medi-cal lauh taux 12 hlaax.

Meih maaih leiz naaic haaix zanc yaac duqv taux tengx nyei javv, beiv hnangv ziux goux fu'jueiv, bieqc cuotv, fai ganh nyungc tengx nyei javv yienv Welfare-to-Work nyei gorn. Meih haih naaic meih goux sou-gorn nyei gong-mienh yienv dincfai mingh buangh, fai haih naaic benx fiex.

Meih maaih leiz naaic taux saengv tengx paaiv sic se gornqv meih maiv buat longc caux haaix kang nquenc dingc daaih nyei javv taux zoux ei Welfare-to-Work nyei gorn-zaangc.